



EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5



DS
748
L847
1786
V12



大事記卷四

宋東萊呂祖謙伯恭撰

周顯王四十四年

秦惠王十三年魏惠王後十年韓宣惠王八年趙武靈王元年衛平侯八年

年

夏四月戊午秦初稱王

以周本紀通鑑修

趙武靈王加肥義秩

以趙世家修

韓魏舉趙趙護帥師與魏師戰韓趙敗績

以年表修

衛平侯薨子嗣君立

以世家修

周顯王四十五年

秦惠王後元年齊宣王十九年燕易王九年衛嗣君元年

蘇秦自燕奔齊為間

以稽古錄修

齊聚學士於稷下鄒衍淳于髡田駢接子慎到環淵之

徒皆賜列第為上大夫

以世家修

秦張儀伐魏取陝

以年表列傳修

秦築上郡塞

以列傳修

周顯王四十六年

秦惠王後三年魏惠王後十二年韓宣惠王十年趙武靈王三年齊宣王

二十七年楚懷王

六年燕易王七年

秦張儀與齊楚魏大臣會齕桑

以本紀楚世家修

韓燕中王皆稱王趙獨稱君其後亦稱王

以年表通鑑修

楚柱國昭陽伐魏敗魏師於襄陵取八邑復移兵伐齊

陳軫說之而還

以世家修

周顯王四十七年

秦惠王後三年楚惠王後十三年韓宣惠王十一年趙武靈王四年

韓魏太子朝秦

以本紀修

秦張儀免相相魏魏不事秦秦以公孫衍代儀相伐魏

取曲沃平周

以列傳年表修

韓宣惠王與趙武靈王會于區鼠以年表世家修

周顯王四十八年韓宣惠王十一年趙武靈王五年齊宣王二十二年燕易王十二年

王崩太子定嗣位是為慎靚王以皇極經世修

齊封田嬰于薛號靖郭君以通鑑修

趙迎婦於韓以年表修

韓公仲公叔用事以戰國策通鑑修

燕易王薨子噲立通鑑

周慎靚王定元年秦惠王後五年齊宣王二十一年燕王噲元年衛嗣君五年

衛更貶號曰君獨有濮陽以世家修

齊迎婦于秦以年表修

秦惠王游北河以本紀修

周慎靚王二年秦惠王後六年魏惠王後十六年韓宣惠王十四年趙武靈王十年齊宣王二

十三年楚懷王十年

秦伐韓取鄢以年表修

楚城廣陵年表

魏惠王會諸侯于曰里將復尊天子不克以韓非子戰國策修

魏惠王薨子襄王立

通鑑

魏襄王問孟子天下惡乎定曰定於一孰能一之曰不

嗜殺人者能一之

以孟子通鑑修

周慎靚王三年

秦惠王後七年魏襄王元年韓宣惠王十五年趙武靈王八年楚懷王十一年

齊宣王二十五年燕

王三年宋王十一年

蘇秦約楚齊趙韓魏燕及匈奴伐秦楚懷王爲從長攻

函谷關秦出兵擊六國皆敗走

以楚世家秦本紀修

義渠襲秦大敗秦人於李帛

以戰國策修

宋東敗齊取五城南敗楚取地三百里西敗魏遂稱王

以世家修

秦代魏

以列傳修

甲辰周慎靚王四年

秦惠王後八年魏襄王二年韓宣惠王十六年趙武靈王九年齊宣

王二十六年魯景公二十九年

齊敗魏趙于觀津

以年表世家修

韓與趙魏伐秦秦使庶長樗里疾與戰修魚虜韓將申

差敗趙公子渴斬首八萬二千

以年表本紀世家皇極經世修

齊大夫殺蘇秦

以列傳
通鑑修

魏因張儀請成于秦秦復以張儀爲相

以列傳本
紀年表修

魯景公薨子平公旅立

以世
家修

周慎靚王五年

秦惠王後九年趙武靈王十年齊宣王
二十七年燕王五年魯平公旅元年

苴蜀相攻皆告急于秦秦使張儀司馬錯帥師取蜀貶

蜀王爲侯使陳莊相之

以列傳
本紀修

秦伐趙取中都西陽

以本
紀修

齊以孟軻爲卿

以孟
子修

蘇代與燕相子之為姻代說燕王噲以國讓子之王從

之以稽古錄修

周慎靚王六年

王崩太子延立是為赧王

以本紀皇極經世修

徙都西周本紀

周赧王

延

元年

秦惠王後十一年魏襄王五年韓宣惠王十九年趙武靈王十一年齊宣王二

十九年

秦侵義渠取二十五城

以年表修

秦樗里疾伐魏取焦及曲沃又大破韓師及魏公孫衍

於岸門韓太子倉人質於秦以和

以本紀年表
世家通鑑修

燕亂將軍市被與太子平攻子之不克被反攻太子又

不克而死

以世家皇
極經世修

齊章子伐燕取之醢子之殺王噲

以世家
通鑑修

燕人逐齊師趙召公子職於韓以爲燕王使樂池送之

不克

以通鑑年
表世家修

孟子致爲臣於齊而歸

通鑑
綱目

秦封公子通於蜀

以本紀修

齊宣王薨子湣王地立

以通鑑修

周赧王二年

秦惠王後十一年魏襄王六年趙武靈王十三年齊湣王元年楚懷王十六年宋王

十六

年

孟子自齊至宋自宋適滕勸滕文公修井法不果行

以孟

子修

秦惠王會魏襄王于臨晉立魏公子政為太子

以本紀年表修

秦庶長嫪毐伐趙虜趙將莊豹拔蘭

以本紀列傳修

齊田嬰卒子文立實孟嘗君招諸侯游士及亡人有罪

者為食客凡數千人是後魏公子無忌趙公子勝楚黃

歇皆效之

以列傳修

楚屈原作離騷

以列傳修

楚懷王趙襄王如趙

以趙世家修

秦使張儀說楚絕齊親秦許賂以商于地儀歸背楚賂

楚使屈匄帥師伐齊

以列傳通鑑修

周赧王三年

秦惠王十一年魏襄王後十年韓宣惠王二十一年齊湣王二年楚懷王十七年宋

王十
七年

秦魏章樗里疾甘茂大破楚師于丹陽虜其將屈匄及
裨將逢侯丑等七十餘人斬首八萬取漢中地六百里

置漢中郡

以本紀年表
世家列傳修

楚懷王悉兵襲秦秦大敗之于藍田韓魏絕楚至鄧楚

乃引兵歸割一城以和于秦

以世家張儀
傳稽古錄修

楚景翠圍魏雍氏

以韓世
家注修

韓宣惠王薨子襄王倉立

以世
家修

秦庶長樗里疾帥師救韓敗楚

以本紀韓世家注修

齊宋圍魏煇棗

以韓世家注修

秦樗里疾與魏伐齊虜其將聲子於濮遂伐燕

以本紀年表修

燕人共立太子平實昭王

以年表世家修

秦惠王魏宣王會于蒲坂

以水經注修

周赧王四年

秦惠王後十四年魏襄王八年韓襄王倉元年趙武靈王十五年齊湣王三年楚懷

王十八年燕昭王平元年衛嗣君十二年

燕昭王怨齊禮郭隗以招賢者

以皇極經世舉要歷修

秦伐楚取召陵

本紀

魏伐衛拔二城

以列傳修

蜀相莊殺蜀侯降秦秦以王子煇為蜀侯

以本紀索隱甘茂傳修

楚囚張儀既而赦之儀遂說楚韓齊趙燕連橫事秦

以通

鑑列

傳修

秦惠王薨子武王立六國連橫之約皆解

以本紀列傳修

周赧王五年

秦武王元年魏襄王九年趙武靈王十六年

秦武王魏襄王會于臨晉

以本紀通鑑修

客卿謂秦武王曰張儀之貴不得議公孫郝則從臣不事大臣矣公孫郝之貴不得議甘茂則從臣不事近臣

矣以戰國策修

秦蜀相壯反秦使甘茂定蜀誅壯以本紀列傳修

秦立張儀魏章于魏以本紀修

趙立吳娃為后生子何以世家修

秦伐義渠丹犁以本紀修

周赧王六年秦武王二年魏襄王十年趙武靈王十七年

秦初置丞相以樛里疾爲右丞相以茂爲左丞相

以本紀列

傳修

魏張儀卒

以世家修

趙築燕臺

以世家修

周赧王七年

秦武王三年魏襄王十一年韓襄王四年

秦武王韓襄王會于臨晉

以本紀世家修

秦樛里疾免相相韓

以本紀修

秦武王魏襄王會於應

以世家修

秋秦丞相甘茂庶長封伐韓宜陽

以本紀
列傳修

秦渭水赤三日

秦紀

甲寅周赧王八年

秦武王四年魏襄王十二年韓襄王
五年趙武靈王十九年楚懷王二十

一年

正月趙武靈王大朝信官召肥義與議天下五日而畢

以世
家修

楚景翠救韓

以周本紀
戰國策修

秦拔宜陽斬首六萬又取武遂城之韓使公仲侈入謝

於秦以請平

以本紀列傳通鑑修

秦逐公孫衍其後爲魏所殺

以戰國策韓非子修

魏太子朝于秦

以世家修

八月秦武王舉鼎絕膂而薨無子異母弟稷立寔昭王

以本紀年

表世家修

秦立芊八子爲太后聽政

以穰侯傳修

秦以魏冉爲將軍衛咸陽

以穰侯傳修

趙初胡服

年表

周赧王九年

秦昭王稷元年魏襄王十二年韓襄王六年趙武靈王二十年齊湣王八年楚懷王

二十三年

秦歸武遂于韓

以年表世家修

趙與齊韓合從

以世家通鑑修

秦甘茂樗里疾伐魏皮氏未拔甘茂棄軍奔齊樗里疾

與魏和罷兵

以年表列傳戰國策修

秦以樗里疾爲丞相

以本紀修

趙武靈王畧中山地至寧葭西畧胡地至榆中使趙固

主胡致其兵

以世家修

周赧王十年

秦昭王二年魏襄王十三年趙武靈王二十一年楚懷王二十四年

彗星見

本紀

趙攻中山取丹丘爽陽鴻之塞又取鄣石邑封龍東垣

中山獻四邑以和

以世家通鑑修

秦庶長壯及大臣諸公子作亂魏冉誅之遂殺惠文后

出悼武王后於魏

以本紀列傳通鑑修

楚倍齊而合秦

以世家修

秦迎婦于楚

以年表修

魏城皮氏

以水經注修

周赧王十一年

秦昭王三年楚懷王二十五年

秦昭王冠

以本紀修

秦昭王楚懷王盟于黃棘秦復與楚上庸

以世宗修

周赧王十二年

秦昭王四年魏襄王十六年韓襄王九年趙武靈王二十三年齊湣王十二年

楚懷王二

十六年

彗星見

以本紀年表修

秦取魏蒲阪陽晉封陵

以世家
年表修

秦復取韓武遂

以世家
修

趙攻中山

以世家
修

齊韓魏伐楚楚使太子橫為質于秦而請救秦客卿通

將兵救楚三國引兵出

以世家
通鑑修

周赧王十三年

秦昭王五年魏襄王十七年韓
襄王十年楚懷王二十七年

魏襄王韓太子嬰朝秦秦朝王會之於臨晉以蒲阪與

魏

以本紀
世家修

楚太子橫自秦亡歸

以世家修

周赧王十四年

秦昭王六年魏襄王十八年韓襄王十一年趙武靈王二十五年齊湣王十三

年楚懷王

二十八年

秦蜀郡守煇反司馬錯定蜀誅之

以本紀年表修

秦伐韓取穰

以世家修

秦庶長奐與齊韓魏共攻楚敗楚於重丘殺楚將唐昧

斬首二萬

以本紀世家修

趙惠后薨使周紹胡服傅王子何

以世家修

秦涇陽君為質于齊

以本
紀修

日有食之

以本
紀修

秦晝晦

以本
紀修

秦蜀郡守李冰鑿離畢避沫水之害穿二江成都中

以前

漢志

修

魏史起引漳水溉鄴

以前漢
志修

周赧王十五年

秦昭王七年魏襄王十九年韓襄王十
二年趙武靈王二十六年齊湣王十四

年楚懷王二十九年
燕昭王十一年

大事記

三

秦樗里疾卒以樓緩為相趙使仇液之秦請以魏冉為

秦相秦免緩而相冉

以年表
列傳修

東周與西周戰韓救西周

本紀

韓太子嬰卒楚圍韓雍氏將納公子蟊虱為韓太子楚

師敗蟊虱不得歸韓

以世家
及注修

韓徵甲與粟於東周

以本
紀修

秦華陽君伐楚斬首三萬殺其將景缺取襄城

以通鑑
年表世

家修

楚太子橫質于齊

以世家修

齊王魏王如韓

以韓世家修

趙攻中山林胡樓煩攘地北至燕代西至雲中九原置

雲中鴈門代郡

以世家前漢匈奴傳修

燕將秦開襲破東胡東胡却千餘里置上谷漁陽右北

平遼西遼東郡

以前漢匈奴傳修

周赧王十六年

秦昭王八年魏襄王二十年趙武靈王二十七年韓襄王十三年齊湣王十五

年楚懷王

三十年

秦將軍芈戎攻楚取新市齊章子魏公孫喜韓暴鳶助

秦攻楚虜唐昧取八城

以本紀
年表修

五月戊申趙武靈王傳國於少子何實惠文王以肥義

為相國并傳王武靈王自號主父

以世
家修

魏襄王與齊湣王會于韓立公子咎為韓太子

以年表
世家修

秦昭王誘楚懷王會武關至則執之楚大臣共立太子

橫為王實頃襄王

以世
家修

秦以田文為相

以齊世家
年表修

周赧王十七年

秦昭王九年魏襄王二十六年韓襄王十四年趙惠王何元年齊湣王十六年

楚頃襄王

橫元年

秦以樓緩代田文為丞相四文欲殺之文亡歸齊齊以

文為相

齊韓魏伐秦敗秦軍于函谷關河渭絕一日秦使公子

池割河東三城以講於三國三國之兵乃退

以年表世家戰國策

修

趙封公子勝為平原君

以年表修

秦伐楚大破楚軍斬首五萬取十六城

以世家
年表修

甲子周赧王十八年

秦昭王十年趙惠文王二十年楚頃襄王二年魯平公一十二年

楚懷王自秦走趙趙人不愛秦追及之以歸

以世家
通鑑修

魯平公薨子湣公賈立

以通
鑑修

大事記卷四終

大事記卷五

宋東萊呂祖謙伯恭撰

周赧王十九年

秦昭王十一年魏襄王二十一年韓襄王十六年趙惠文王三年齊湣王十八

年楚頃襄王三年燕昭王十六年

彗星見

以本紀年表修

楚懷王薨於秦秦歸其喪於楚楚人皆憐之如悲親戚

諸侯由是不直秦

以世家修

楚與秦絕

以世家修

魏伐楚

以戰國策修

趙主父與齊燕共滅中山遷其王於膚施還歸行賞大

赦置酒酺五日

以世家修

趙封公子章為大安陽君使田不禮相之

以世家修

魏襄王薨子昭王立

通鑑

韓襄王薨子釐王咎立

以世家修

楚以王子蘭為令尹放屈平於江南

以列傳修

周赧王二十年

秦昭王十一年魏昭王元年韓釐王咎元年趙惠文王四年楚頃襄王四年燕

昭王十七年

秦丞相樓緩免以穰侯魏冉為丞相以年表修

秦與楚粟五萬石以本紀修

趙公子章與田不禮作亂殺肥義公子成李兌誅之遂

殺主父於沙丘以世家修

燕昭王以樂毅為亞卿以列傳修

秦尉錯擊魏襄城以年表修

周赧王二十一年秦昭王十三年魏昭王二年韓襄王二年趙惠文王五年齊湣王二十年

燕昭王
十八年

秦向壽伐韓取武始

以本紀修

秦左庶長白起擊韓新城

以列傳修

秦敗魏師於解

通鑑

趙以鄭易與燕

以世家修

秦五大夫呂禮奔齊

以本紀穰侯傳修

秦以任鄙漢中守

以本紀修

齊田甲作亂田文奔薛滑王召文復其位文遂歸老于

薛

以年表稽古錄修

周赧王二十二年

秦昭王十四年魏昭王二年韓釐王三年

韓魏攻秦秦左更白起敗之於伊門殺魏將犀武虜韓將公孫喜斬首二十四萬拔五城又涉河取韓安邑以

東至乾河

以本紀世家列傳戰國策修

周赧王二十三年

秦昭王十五年魏昭王四年楚頃襄王七年

秦大良造白起攻魏取垣復予之又攻楚取宛葉

以本紀穰

侯傳修

楚迎婦於秦

以世家修

秦丞相魏冉免以客卿燭壽為丞相

以年表列傳修

周赧王二十四年

秦昭王十六年韓釐王五年楚頃襄王八年

秦左更錯伐楚取鄧

以本紀修

秦伐韓拔宛

以年表世家修

秦丞相燭壽免復以魏冉為丞相封於穰與陶謂之穰

侯又封公子市為宛侯公子悝為鄧侯

以列傳本紀修

周赧王二十五年

秦昭王十七年魏昭三十年韓釐王七年

東周君朝秦

以本紀修

秦丞相魏冉伐魏魏與秦河東地四百里

以列傳年表修

韓與秦武遂地二百里

以年表世家修

魏芒卯以詐見重

年表

周赧王二十六年

秦昭王十八年魏昭王七年

秦丞相魏冉大良造白起客卿錯伐魏至軹取城大小

六十一

以列傳年表修

周赧王二十七年

秦昭王十九年魏昭王八年趙惠王十一年年齊湣王二十六年

十月秦昭王自稱西帝遣魏冉立齊湣王爲東帝齊湣

王稱帝二日復歸之十一月秦昭王亦去帝復稱王

以年

表世家
通鑑修

秦拔趙梗陽

以世家修

甲戌周赧王二十八年

秦昭王二十年魏昭王九年趙惠文王十二年齊湣王二十七年

年

秦攻魏拔新垣曲陽

通鑑

趙伐齊

以世家修

周赧王二十九年

秦昭王二十一年魏昭王十年韓釐王十年趙惠文王十三年齊湣王二

十八年楚頃襄王十二年宋王四十二年

魏以田文爲相文以薛屬魏

以戰國策皇極經世修

齊以呂禮爲相秦伐齊呂禮出奔

以戰國策史記列傳修

秦將司馬錯攻魏河內魏獻安邑秦出其人募民徙河

東賜爵赦罪人遷之

以本紀通鑑修

趙伐齊

以世家修

秦敗韓師於夏山

以世家修

趙李兌約五國伐秦無功還至成臯而罷

以戰國策修

宋滅滕

以戰國策修

齊湣王與魏楚滅宋三分其地宋王偃奔魏死於溫

以年

表世家修

齊取楚淮北

以世家修

周赧王三十年

秦昭王二十一年趙惠文三十四年齊湣王二十九年楚頃襄王十四年

齊湣王殺司馬穰苴狐喧陳舉

以通鑑戰國策修

秦蒙武伐齊取河東九縣

以本紀修

秦昭王與楚頃襄王會於宛又與趙惠文王會於中陽

以年表
世家修

周赧王三十一年

秦昭王二十三年魏昭王十一年韓釐王十二年趙惠文王十五年齊湣

王三十年楚頃襄王十五年燕昭王二十八年

燕樂毅會秦楚韓趙魏五國之師伐齊大破之濟西諸

侯兵皆罷樂毅獨追入臨菑齊湣王奔莒燕封樂毅爲

昌國君使以兵平齊之未下者

以皇極經
世世家修

楚趙取齊淮北地

以年表
世家修

秦昭王魏昭王韓釐王會於西周

以本紀
年表修

齊相淖齒弑湣王於莒莒人殺齒奉湣王子法章立之

實襄王

以戰隍策世家
皇極經世修

齊王蠋不受燕封死於畫邑

以列
傳修

燕盡降齊七十餘城獨田單守卽墨與莒皆不下

以列
傳修

周赧王三十二年

秦昭王二十四年魏昭王十三年趙
惠文王十六年齊襄王法章元年楚

頃襄王十六年衛嗣君四
十二年燕昭王二十九年

秦昭王與楚頃襄王會於鄢秋又會於穰

以本紀
世家修

秦拔魏安成兵至大梁燕趙救之而還

以年表本紀修

秦丞相魏冉免

以本紀

衛嗣君薨子懷君立

世家

趙以廉頗爲上卿藺相如爲上大夫

以列傳通鑑修

燕昭王使方士入海求三神山

周赧王三十三年

秦昭王二十五年魏昭王十四年韓釐王十四年趙惠文王十七年

君元年

秦伐趙拔兩城

以年表世家修

魏大水

年表

秦昭王與韓釐王會新城與魏昭王會新明邑

以本紀修

周赧王三十四年

秦昭王二十六年趙惠文王十六年魏昭王十五年楚頃襄王十八年

秦拔趙石城

趙決河水伐魏

以世家修

秦魏冉相趙

以世家修

秦復以魏冉為丞相

以本紀年表修

楚約諸侯為從將以伐秦因欲圖周王使西周武公說

楚而止

以世家修

周赧王三十五年

秦昭王二十七年魏昭王十六年趙惠文王十九年齊襄王四年楚頃襄

王十九年

秦赦罪人遷之南陽

以本紀修

秦白起伐趙斬首二萬取代光狼城

以年表本紀修

秦地動壞城

年表

秦司馬錯發隴西兵因蜀攻楚黔中拔之楚以上庸漢

北地與秦

以本紀通鑑世家修

楚以上庸北漢地與秦

世家

周赧王三十六年

齊襄王五年趙惠文王二十年魏昭王十七年

秦趙會於澠池

史記

周赧王三十七年

楚頃襄王二十一年秦昭王二十九年

楚封莊辛為陽陵君

以戰國策修

周君朝秦

以秦紀修

秦昭王與楚頃襄王會於襄陵

以本紀修

趙徙章水武平西

以世家修

甲申周赧王三十八年

秦昭王三十年魏昭王十九年趙惠文王二十二年楚頃襄王

二十二年

秦白起與蜀守若伐楚拔巫黔中以為黔中郡

以本紀年表修

魏昭王薨子釐王立

通鑑

趙大疫

以世家修

周赧王三十九年

秦昭王三十一年魏安釐王元年趙惠文王二十三年楚頃襄王二十三

年

秦白起伐魏取兩城

以本紀世家修

楚頃襄王收東地兵十餘萬復西取秦所拔江南十五

邑以爲郡拒秦

以世家
本紀修

魏封公子無忌爲信陵君

以年
表修

趙樓昌攻魏幾不能取十二月使廉頗代將攻幾取之

以世
家修

周赧王四十年

秦昭王三十二年魏安釐王二年韓
釐王二十三年趙惠文王二十四年

秦以魏冉爲相國伐魏韓暴鳶救魏魏冉破之斬首四

萬鳶走開封魏割八縣以和魏冉復伐魏走芒卯入北

宅遂圍大梁魏割溫以和以本紀世家列傳通鑑修

趙廉頗拔魏房子安陽皇極經世

周赧王四十一年秦昭王三十二年魏安釐王三年趙惠文王二十五年齊襄王十年魯湣

公二十三年燕惠王三年

魏背秦與齊從親秦魏冉伐魏拔四城斬首四萬以列傳年

表世家修

趙燕周攻齊昌國高唐遂取之以世家修

魯閔公薨于頃公讎立以世家修

周赧王四十二年

秦昭王三十四年魏安釐王四年韓釐王二十三年趙惠文王二十六年

魯頃公饑元年齊襄王十

一年楚頃襄二十六年

趙魏伐韓華陽秦魏冉白起客卿胡傷救韓敗魏將芒

卯於陽斬首十二萬取卷蔡陽長社又敗趙將賈偃沉

其卒二萬於河取觀津魏子秦南陽以和以其地爲南

陽郡遷免臣居之

以世冢列傳皇極經世本紀修

秦復與趙觀津將與之同伐齊齊使蘇代說魏冉而止

以列

傳修

趙取東胡甌代地

以世家修

秦將使白起與韓魏伐楚楚使黃歇說秦昭王昭王乃

止白起與楚和

以列傳修

魏城西周

以本紀修

韓釐王薨桓惠王立

通鑑

周赧王四十三年

秦昭王三十五年韓桓惠王元年魏安釐王五年趙惠文王二十七年楚

頃襄王二十七年

年燕惠王七年

楚太子完爲質于秦

以世家通鑑修

趙徙漳水武平南

以世家修

趙河水出大滌

以世家修

燕惠王薨子武成王立

通鑑

韓魏與秦楚伐燕

以本紀世家修

周赧王四十四年

秦昭王三十六年趙惠文王二十八年齊襄王十三年燕武成王元年

趙藺相如伐齊至平邑

以世家列傳修

秦客卿竈攻齊剛壽

以世家范睢傳修

秦滅義渠

以前漢匈奴傳修

秦以范雎為客卿

以列傳修

周赧王四十五年

秦昭王三十七年趙惠文王二十九年齊襄王十四年楚頃襄王二十九年

年

秦伐趙圍閼與趙使趙奢救大破秦軍解閼與圍

以世家列

傳修

西周君如秦以應為秦太后養地

以本紀戰國策修

秦與楚攻齊剛壽

以年表世家修

周赧王四十六年

秦昭王三十八年趙惠文王三十年

秦中更胡傷攻趙闕與不拔

以世家通鑑修

周赧王四十七年

秦昭王三十九年
魏安釐王九年

秦五大夫綰拔魏

以范睢傳
年表修

甲午周赧王四十八年

秦昭王四十年
魏安釐王十年

秦淖太子質於魏而卒

通鑑

周赧王四十九年

秦昭王四十一年
魏安釐王十一年
趙惠文王三十三年

秦拔魏邢上

以本紀范
睢傳修

秦免魏冉相國尊宣太后權以客卿范睢爲丞相封應

侯以皇極經世修

秦華陽君芊戎王弟涇陽君出就國以范雎穰侯傳修

趙惠文王薨子孝成王丹立以世家修

周赧王五十年秦昭王四十二年趙孝成王丹元年韓桓惠王八年燕武成王七年齊襄王十

九年

秦昭王以次子安國君柱為太子以呂不韋傳本紀索隱修

趙以平原君趙勝為相以年表修

秦宣太后芊氏薨魏冉就封於國以本紀修

齊楚攻魏秦救魏魏復定魏王欲與秦伐韓求故地公

子無忌而止

以史記世家修

秦拔趙三城趙使長安君爲質於齊以求救齊師出秦

師乃退

以世家通鑑修

秦伐韓少曲高平拔之

以范曄傳修

趙以齊安平君田單爲相伐燕拔中陽又攻韓注入拔

之

以世家戰國策修

齊襄王薨子建立國事皆決於母太氏史號君王后

以世

家修

周赧王五十一年

秦昭王四十三年韓桓惠王九年趙孝成王二年齊王建元年

秦白起攻韓陘城拔汾旁五城斬首五萬

以年表世家列傳修

秦成廣武

以范睢傳修

趙以田單爲相

周赧王五十二年

秦昭王四十四年韓桓惠王十年楚頃襄王三十六年

秦白起攻韓取南陽絕太行道

以年表列傳修

楚太子完自秦亡歸

以世家修

楚頃襄王薨子考烈王完立

以世家修

周赧王五十三年

秦昭王四十五年韓桓惠王十一年趙孝成王四年楚考烈王完元年

楚人納州於秦以平

通鑑

楚以黃歇爲相封春申君食淮北十二縣

以列傳修

秦五大夫賁攻韓取十城

以本紀修

秦葉陽君惲出就封未至而死

以本紀修

秦白起拔韓野王絕上黨道韓獻上黨於秦上黨守馮

亭以郡降趙

以世家列傳修

周赧王五十四年

秦昭王四十六年
韓桓惠王十二年

秦攻韓緱氏蘭拔之

白起傳

周赧王五十五年

秦昭王四十七年趙孝成王六年
齊王五年楚考烈王三年

秦左庶長王齕攻上黨拔之上黨民走趙趙使廉頗軍

長平以按據上黨民四月齕因攻趙斬趙裨將茄六月

攻趙軍取二漳四尉七月廉頗築壘壁而守之秦又攻

壘取二尉趙以趙括代廉頗將秦亦使白起代王齕將

絕趙糧道

以列傳修

齊人楚人救趙趙請粟於齊弗許

以世家通鑑修

九月秦白起大破趙師於長平殺趙括坑降卒及前後

斬首凡四十五萬

以年表列傳修

周赧王五十六年

秦昭王四十八年魏安釐王十八年韓桓惠王十四年趙孝成王七年齊

王六年

正月秦太子中男異人質在趙納呂不韋妾生子政

以戰

國策列傳本紀修

秦白起分軍爲三使王齕拔趙武安皮牢司馬梗北定

太原盡有上黨地韓起恐使蘇氏說秦相范雎罷白起

兵割韓垣雍趙六城以和

以列傳本紀修

趙不入秦六城秦使虞卿以賂齊秦反賂趙以和

以列傳修

魏以孔斌為相尋以病免

以通鑑修

九月秦五大夫王陵攻趙圍邯鄲

以列傳世家修

周赧王五十七年

秦昭王四十九年趙孝成王八年魏安釐王十九年楚考烈王五年燕武

成王十

四年

正月秦王陵攻邯鄲亡五校以戰不善免使王齕代之

以白起傳
本紀修

趙使趙勝乞師於楚楚黃歇帥師救趙

以列傳世家修

魏使新垣衍入趙議尊秦為帝魯仲連沮止之

以列傳修

燕武成王薨子孝王立

通鑑

魏晉鄙救趙留軍壁鄴

以魏子列傳修

甲辰周赧王五十八年

秦昭王五十年魏安釐王二十九年趙孝成王九年楚考烈王六

年燕孝王元年

十二月秦殺白起杜郵

以本紀列傳修

秦益發卒軍汾城旁魏公子無忌矯殺晉鄙奪其軍救

邯鄲大破秦軍楚景陽亦將兵至鄭安平以二萬人降

趙王齧解邯鄲圍奔汾軍拔新中而去公子無忌遂留

趙

以本紀列傳世家年表修

秦質子異人曰趙逃歸太子以為嗣更名曰楚

以列傳修

秦初作河橋

本紀

周赧王五十九年

秦昭王五十一年魏安釐王二十一年韓桓惠王十七年趙孝成王十年

楚考烈王七年

韓魏楚救趙新中秦兵罷

年表

秦將軍摎攻韓取陽城負黍斬首四萬攻趙取二十餘縣斬首虜九萬赧王恐與諸侯約從攻秦秦使將軍摎攻西周赧王入秦盡獻其邑三十六口三萬秦受其獻

歸赧王於周是歲卒

以本紀通鑑修

大事記卷五終

大事記卷六

朱東萊呂祖謙伯恭撰

秦昭王五十二年

楚考烈王八年燕孝王三年魯頃公十九年

河東守王稽坐與諸侯通誅

以列傳通鑑修

相國范雎免以客卿蔡澤爲丞相

以列傳修

西周民東亡遷西周君於懸狐

以周紀秦紀修

楚伐魯取徐州

以世家修

丞相蔡澤免

以列傳修

燕孝王薨子喜立

通鑑

楚人遷魯於莒而取其地

通鑑

秦昭王五十三年

魏安釐王二十三年韓桓惠王十九年趙孝成王十三年齊王十一年楚

考烈王九年

燕王喜元年

楚齊韓燕趙皆來賓魏獨後使將軍摎伐之取吳城魏

委國聽令

以皇極經世本紀修

韓王來朝

以本紀修

趙邯鄲廢焚

以世家修

秦昭王五十四年

楚考烈王十年

楚徙都鉅陽

以年表修

王郊見上帝於雍

以本紀修

秦昭王五十五年

魏安釐王二十五年趙孝成王十四年衛嗣君三十一年

趙平原君趙勝卒

以世家修

衛懷君朝魏魏執而殺之更立其弟元君

以世家修

秦昭王五十六年

韓桓惠王二十二年趙孝成王十五年燕王四年衛元君元年

秋王薨太子柱立是為孝文王追尊唐八子為唐太后

與昭王合葬韓王衰經入弔祠諸侯皆使其將相來弔

祠視喪事

以本紀修

以子楚爲太子

以列傳修

趙奉太子之子政來歸

以列傳修

燕栗腹卿秦伐趙趙使廉頗擊破栗腹於鄣破卿秦於代遂圍燕燕割五城與趙和乃解圍趙以廉頗爲假相

國信平君

以世家列傳修

秦孝文王元年

燕王五年齊王十五年

十月己亥王除喪卽位赦罪人辛丑王薨太子楚立是

為莊襄王尊孝文王后為華陽太后又尊母夏姬為夏

太后以本紀呂不韋傳修

燕將據齊聊城齊田單攻之不下魯仲連以書下之齊

欲爵仲連仲連逃隱海上以列傳修

秦莊襄王楚元年燕桓惠王二十四年趙孝成王十七年齊王十六年楚考烈王十四年燕

王六年楚頃公二十五年

大赦本紀

以呂不韋為相國

以本紀
列傳修

東周君與諸侯謀來伐王使相國呂不韋滅之遷東周

君於陽人

以本紀
通鑑修

封呂不韋為文信侯封河南洛陽十萬戶

以列
傳修

蒙驁伐韓拔成臯滎陽初置三川郡

以本紀
世家修

趙假相樂乘圍燕

以世
家修

齊君王后薨

以世
家修

楚滅魯徙魯頃公於卞邑

以魯世
家修

秦莊襄王二年

魏安釐王二十九年
趙孝成王十八年

蒙驁伐趙取榆次新城狼孟二十七城

以年
表修

日有食之

以年
表修

魏趙攻燕

以世
家修

楚徙封黃歇於吳

以年
表修

甲寅秦莊襄王三年

魏安釐王三十年韓桓惠王二十
六年趙孝成王十九年齊王十八

年楚考烈王十六
年燕王喜八年

王齕攻上黨諸城悉拔之初置太原郡

通鑑

蒙驁伐魏拔高都汲魏王迎公子無忌於趙以爲上將軍無忌率五國兵敗秦軍於河外走蒙驁追至函谷而

還

以年表世家列傳修

趙與燕易土以龍兌汾門臨樂與燕燕以葛武陽平舒

與趙

以世家修

五月丙午王薨子政立是爲秦始皇帝國事皆委於呂

不韋號稱仲父

以本紀列傳修

晉陽反

本紀

秦始皇帝

政

元年

魏安釐王三十一年

蒙騫擊定晉陽

以本紀修

作鄭國渠

年表

魏公子無忌以毀廢

以稽古錄修

秦始皇帝二年

魏安釐王三十二年趙孝成王二十一年

趙以李伯為代郡安

戰國策修

趙李牧大破匈奴十餘萬騎單于奔走

以列傳修

趙廉頗伐魏拔繁陽

以列傳修

趙孝成王薨子悼襄王偃立

以世家修

趙使樂乘代廉頗將廉頗攻樂乘樂乘走廉頗遂奔魏

以列

傳修

秦始皇帝三年

魏安釐王三十三年韓桓惠王二十九年趙悼襄王偃元年

蒙驁伐韓取十一城

通鑑

大饑

以本紀修

十月蒙驁攻魏暘有詭

以本紀修

秦始皇帝四年

魏安釐王三十四年趙悼襄王二年燕王十二年

蒙驚拔賜有詭二月軍罷

以本紀修

趙李牧伐燕拔武遂方城

以年表世家修

七月蝗疫令百姓內粟千石拜爵一級

以年表通鑑修

魏安釐王薨子景濬王增立

以世家修

魏公子無忌卒

以年表列傳修

秦始皇帝五年

魏景濬王增元年趙悼襄王三年燕王十三年

蒙驚伐魏取酸棗燕虛長平雍丘山陽等二十城初置

東郡

以通鑑修

燕劇辛擊趙趙使龐煖擊之取燕軍二萬殺劇辛

以世家修

趙相魏相會盟於魯柯

以年表修

冬雷

本紀

秦始皇帝六年

魏景湣王二年齊桓惠王三十二年趙悼襄王四年齊王二十四年楚考烈王

二十一年衛元君十一年燕王十四年

楚魏韓趙燕衛合從來伐取壽陵至函谷關爲我所敗

諸侯之師移攻齊取饒安而罷

以本紀春申君傳趙世家修

拔魏朝歌

以世家修

徙魏於野王并濮陽入東郡

以年表魏楚
衛世家修

楚徙都壽春命曰郢

以年表
世家修

楚考烈王納黃歇妾生子悍遂立為王后悍為太子

以春

申君
傳修

秦始皇帝七年

魏景湣
王三年

彗星見

以本紀
年表修

伐魏取汲

通鑑

夏太后薨

通鑑

秦始皇帝八年

魏景湣王四年韓桓惠王三十四年趙悼襄王六年

魏與趙鄴

趙世家

王弟長安君成蟜將兵擊趙而反死於屯留軍吏皆斬

遷其民於臨洮

以本紀修

河魚大上

以本紀修

封嫪毐爲長信侯國事決於毐

以本紀修

韓桓惠王薨子安立

通鑑

韓以韓玘爲相

以李斯傳修

秦始皇帝九年

魏景湣王五年韓王安元年楚考烈王二十四年

彗星見竟天

年表

伐魏取垣衍蒲陽

以本紀年表世家修

四月寒有凍死者彗星見巳酉玉冠帶劍

以本紀修

嫪毐作亂夷三族其黨與皆車裂滅宗輕者爲鬼薪及

奪爵遷蜀遷太后於雍

以本紀呂不韋傳修

楚考烈王薨子悍立是爲幽王王舅李園殺黃歇滅其

家

以世家春申君傳修

甲子秦始皇帝十年

趙悼襄王八年燕王喜十八年楚幽王悼元年

十月相國呂不韋免就國

以本紀列傳修

大索逐客李斯上書說乃除逐客令復李斯官用其計

謀

以本紀列傳修

齊王趙王來置酒

以本紀年表修

用茅焦諫迎太后於雍復歸咸陽以茅焦爲上卿

以本紀說

苑

以尉繚爲國尉

以本紀修

秦始皇帝十一年

趙悼襄王九年
燕王十九年

趙伐燕取狸陽兵未罷將軍王翦桓齮揚端和伐趙攻

鄴取九城

以世家本
紀通鑑修

趙廢太子嘉以庶子遷為太子

以世家修

趙悼襄王薨子遷立

以世家修

徙呂不韋於蜀

以列傳修

秦始皇帝十二年

魏景湣王八年趙王
遷元年楚幽王三年

呂不韋自殺

以本紀
列傳修

自六月不雨至於八月

通鑑

發四郡兵助魏伐楚

通鑑

復嫪毐舍人遷蜀者

本紀年表

秦始皇帝十二年

趙王二年

正月彗星見東方

本紀

桓齮攻趙平陽趙使扈輒帥師救之殺扈輒斬首十萬

以本紀

世家修

秦始皇帝十四年

韓王六年
趙王三年

桓齮取趙平陽武城宜陽趙李牧大破我軍於宜安肥

下桓齮奔還趙封李牧爲武安君

以本紀
世家修

殺韓使韓非

以本紀
列傳修

韓王納地效璽請爲藩臣

以本紀
通鑑修

秦始皇帝十五年

趙王四年燕
王二十三年

大興師伐趙一軍抵鄴一軍自太原拔狼孟番吾趙李

牧擊破我軍遂還

以本紀年
表列傳修

燕太子丹來質亡歸

以年表
世家修

地震

以本紀修

秦始皇帝十六年

魏景湣王十二年韓王八年趙王五年

韓獻南陽地

通鑑

初合男子書年

本紀

魏人獻地

通鑑

趙代地大震

以年表世家修

秦始皇帝十七年

韓王九年趙王六年衛元君二十二年

內史騰滅韓虜韓王安以其地置潁川郡

以本紀通鑑修

地震

以本紀修

華陽太后薨

通鑑

大饑

以本紀趙世家修

衛元君薨子角立

通鑑

秦始皇帝十八年

趙王七年衛君角元年

定韓地

以年表修

王翦楊端和桓齮伐趙趙李牧司馬尙禦之數破我師殺桓齮趙王用郭開韓倉譖使趙葱顏聚代將殺李牧

廢司馬尙

以本紀世家
戰國策修

楊端和圍邯鄲

以本
紀修

秦始皇帝十九年

魏景湣王十五年
趙王八年

王翦大破趙軍殺趙葱顏聚亡遂克邯鄲虜趙王遷滅

趙

以世家
通鑑修

王翦屯中山

以本
紀修

王之邯鄲故與母家有仇者皆坑之

以本
紀修

太后薨

通鑑

趙公子嘉帥其宗之代立為代王與燕合兵軍上谷

以本

紀修

大饑

本紀

楚幽王薨弟竊立是為哀王立三月哀王庶兄負芻弑

哀王而立

以世家修

魏景湣王薨子假立

通鑑

甲子秦始皇帝二十年

魏王假元年楚王負芻元年
燕王二十八年代王喜元年

燕太子丹使荆軻刺王不中誅軻使王翦辛勝攻燕大

破燕代之師於易水之西

以本紀世家
稽古錄修

秦始皇帝二十一年

楚王二年燕
王二十九年

王翦破燕太子軍拔薊燕王東保遼東斬太子丹以獻

以本紀
通鑑修

王賁伐楚取十餘城

以年表
世家修

李信蒙恬將二十萬伐楚

以王翦傳
本紀修

大雨雪

本紀

秦始皇帝二十二年

魏王三年
楚王三年

王賁伐魏引河灌大梁虜其王假遂滅魏

以年表世家修

楚人大破李信軍復使王翦將兵六十萬伐楚

以列傳通鑑修

秦始皇帝二十三年

楚王四年

王翦取陳以南至平輿大破楚軍於鄢殺其將軍項燕

以年表世家列傳通鑑修

秦始皇帝二十四年

楚王五年

王翦蒙武滅楚虜楚王負芻

以世家修

秦始皇帝二十五年

燕王三十一年代王六年

王賁拔遼東虜燕王喜遂滅燕

以本紀
世家修

王賁滅代虜代王嘉

以本
紀修

王翦悉定楚江南地降越君置會稽郡

以本
紀修

五月天下大酺

本
紀

大事記卷六終

